



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Physical Planning Construction and  
Environmental Protection

Broj: 05-05-41335-90/19 III MG  
Sarajevo, 07.02.2020. godine

**SKUPŠTINA KANTONA SARAJEVO**  
n/r Mirza Čelik, predsjedavajući  
- ovdje -

**PREDMET:** Odgovor na zastupničko pitanje zastupnice Bibije Kerla

Zastupnica Bibija Kerla na 15. Radnoj sjednici Skupštine Kantona Sarajevo, održanoj dana 19.11.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članovima 211. i 214. Poslovnika Skupštine Kantona Sarajevo, postavila je zastupničko pitanje vezano za mjere Skupštine u vezi lokaliteta deponije Smiljevići.

**ODGOVOR:**

Mjere Skupštine Kantona Sarajevo u vezi Smiljevića navedene u zastupničkom pitanju usvojene su Zaključkom Skupštine Kantona Sarajevo broj 01-05-36610/19 od 08.10.2019. godine, u okviru Izvještaja o stanju i aktivnostima u okviru RCUO Smiljevići, koji je pripremila Ministarstvo prostornog uređenja, građenja i zaštite okoliša. Predmetnim izvještajem i prijedlogom mjera, predviđen je niz aktivnosti na unaprijeđenju stanja u okviru RCUO Smiljevići.

U međuvremenu, Vlada Kantona Sarajevo je 24.12.2019. godine donijela Zaključak broj 02-05-44305-5/19 kojim se zadužuje Ministarstvo komunalne privrede i infrastrukture za poduzimanje svih aktivnosti i mjera radi upravljanja deponijom Smiljevići, a čiji je nosilac u prehodnom periodu bilo Ministarstvo prostornog uređenja, građenja i zaštite okoliša.

U toj funkciji, pripremljen je Sporazum o prenosu prava i obaveza za upravljanje deponijom Smiljevići, koji trebaju potpisati ministri ova dva ministarstva. Ministarstvo komunalne privrede i infrastrukture će preuzeti sva prava i obaveze nastale po osnovu ugovora i sporazuma zaključenih od strane Ministarstva prostornog uređenja, građenja i zaštite okoliša, te drugih pravnih akata donesenih od strane Skupštine i Vlade Kantona Sarajevo, u vezi sa deponijom Smiljevići.



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1



Što se tiče mjera, koje su u nadležnosti Ministarstva prostornog uređenja, građenja i zaštite okoliša, a obuhvaćene su ovim zastupničkim pitanjem, navodimo slijedeće:

Obaveza Ministarstva prostornog uređenja, građenja i zaštite okoliša je da nastavi i ubrza postupak nabavke analizatora koji će biti instalirani u mobilnu stanicu za mjerenje kvaliteta zraka, a koji će mjeriti uticaj deponijskih gasova (amonijaka, merkaptana, sulfida) na lokaciji Smiljevići. Predmetna nabavka je u toku. Nakon okončanja ove nabavke, Ministarstvo prostornog uređenja, građenja i zaštite okoliša će, u saradnji sa Zavodom za javno zdravstvo KS, raditi na uspostavi monitoringa kvaliteta zraka u blizini RCUO Smiljevići.

Zavod za planiranje razvoja Kantona Sarajevo zadužen je da što prije predloži Prostornu osnovu za Prostorni plan RCUO Smiljevići i da ubrza Stratešku procjenu uticaja na okoliš koja se provodi paralelno sa izradom Plana. Prostorna osnova Prostornog plana područja posebnih obilježja RCUO Smiljevići dostavljena je izrađivačima izvještaja o strategijskoj procjeni uticaja na okoliš PPPPO RCUO Smiljevići na razmatranje i pripremu Prednacrtu izvještaja o SPUO.

U toku je i realizacija obaveza Ministarstva prostornog uređenja, građenja i zaštite okoliša da predloži Vladi Kantona Sarajevo usvajanje Studije opravdanosti izgradnje kogenerativnog postrojenja i postrojenja za mehaničko-biološki tretman otpada na području Kantona Sarajevo, uz zahtjev za konkretno opredjeljenje oko prvorangirane opcije. Naime, ovo Ministarstvo je zatražilo od izrađivača studije dodatna izjašnjenja za dvije prvorangirane opcije, te prikaz glavnih koraka po fazama realizacije za obje varijante. Opredjeljenje Kantona Sarajevo za jednu ili drugu predloženu varijantu biće dodatno razmatrano i evaluirano. Što se tiče obaveze da se već u planu i programu za 2020.godinu predvide aktivnosti za početak realizacije ove Studije, tj. opcije koja bude odabrana kao prvorangirana, treba naglasiti da i u ovom slučaju treba biti uključeno i nadležno Ministarstvo komunalne privrede i infrastrukture Kantona Sarajevo.



Dostaviti:

- Naslovu
- Vlada Kantona Sarajevo
- Evidencija
- a/a



web: <http://mpz.ks.gov.ba>  
e-mail: [mpz@mpz.ks.gov.ba](mailto:mpz@mpz.ks.gov.ba)  
Tel: + 387 (0) 33 562-029,  
Fax: + 387 (0) 33 562-031  
Sarajevo, Reisa Džemaludina Čauševića 1

